



«13» հունիս 2023 թ.

ք.Արտաշատ

Որոշում N 0993

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) արևմտյան տարածքային կենտրոնի պետ Գնել Սարգսյանս, ուսումնասիրելով.

1. ՀՀ պետական եկամուտների կոմիտեի նախագահի 2023 թվականի հունվարի 03-ի /70-9/36-2023 գրությունը, ներկայացված արձանագրությունը և կից նյութը,
2. Տեսչական մարմնի ղեկավարի պարտականությունները կատարողի 2023 թվականի ապրիլի 13-ի վարչական վարույթ հարուցելու ՎՎ-0924-Ա հրամանը և № 01/7575-2023 ծանուցումը (ծանուցվել է փոստով՝ LO109001722AM),
3. վարչական վարույթի ընթացքում ձեռքբերված փաստաթղթերը,
4. վարչական իրավախախտումների վերաբերյալ արձանագրության կազմմանը մասնակցելու 2023 թվականի մայիսի 08-ի № 14/9737-2023 ծանուցումը (ծանուցվել է փոստով՝ LO109326071AM),
5. վարչական իրավախախտումների վերաբերյալ արձանագրության կազմմանը մասնակցելու 2023 թվականի մայիսի 17-ի № 14/10635-2023 ծանուցումը (ծանուցվել է ՀՀ ինտերնետով ծանուցման պաշտոնական կայքով),
6. վարչական իրավախախտումների վերաբերյալ 2023 թվականի մայիսի 29-ի № 0968 արձանագրությունը,

7. վարչական իրավախախտումների վերաբերյալ գործի քննությանը մասնակցելու 2023 թվականի մայիսի 29-ի № 14/11747-2023 ծանուցումը (ծանուցվել է ՀՀ ինտերնետով ծանուցման պաշտոնական կայքով),

Պարզեցի

1. Նկարագրական մաս

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով, Տեսչական մարմնի կողմից 2023 թվականի ապրիլի 13-ին հարուցվել է թիվ 130423-906 վարչական վարույթը Ա/Ձ Արտակ Ալեքսանյանի կողմից՝ (ՀՎՀՀ՝ 47942523) ՀՀ աշխատանքային օրենսգրքի 14-րդ և 85-րդ հոդվածների պահանջների պահպանումը պարզելու նպատակով:

Տեսչական մարմինը 2023 թվականի ապրիլի 13-ի 01/7575-2023 ծանուցագրով Ա/Ձ Արտակ Ալեքսանյանից պահանջել է.

1. Կարինե Աթանյանի աշխատանքային պայմանագիրը կամ աշխատանքի ընդունման մասին իրավական ակտը,

2. Ա/Ձ Արտակ Ալեքսանյանի բացատրագիրը:

Համաձայն Ա/Ձ Արտակ Ալեքսանյանի բացատրագրի՝ Կարինե Աթանյանը 2022 թվականի հուլիսի 11-ին ՊԵԿ աշխատակիցների ստուգման պահին գրանցված չի եղել, քանի որ վերջինս չի հասցրել գրանցել և հետագայում աշխատանքային հարաբերությունները չեն շարունակվել:

Վարչական վարույթի ընթացքում ձեռք բերված փաստական հանգամանքների ուսումնասիրության արդյունքում պարզվել է, որ Կարինե Աթանյանը 2022 թվականի հուլիսի 11-ի դրությամբ առանց ՀՀ աշխատանքային օրենսդրությամբ սահմանված կարգով կնքված աշխատանքային պայմանագրի կամ աշխատանքի ընդունման մասին անհատական իրավական ակտի աշխատել է Ա/Ձ Արտակ Ալեքսանյանի մոտ, որով խախտվել են ՀՀ աշխատանքային օրենսգրքի 14-րդ և 85-րդ հոդվածների պահանջները:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը, 2023 թվականի մայիսի 29-ին կազմվել է № 0968 վարչական իրավախախտումների վերաբերյալ արձանագրությունը, որը վարչական



ՀՀ ԱՆՈՐԴԱՐԱՐՈՒԹՅԱՆ ԵՎ ԱՎԱՅԱՑՈՒԹՅԱՆ
ՏԵՏՇԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ info@hlib.am
www.hlib.am
Թեժ գիծ՝ 8107

իրավախախտումների վերաբերյալ գործի քննության ծանուցագրի հետ պատշաճ ձևով ուղարկվել է Ա/Ձ Արտակ Ալեքսանյանին:

Տեսչական մարմնում (ՀՀ Արարատի մարզ, ք. Արտաշատ, Արամ Խաչատրյան փողոց 116) 2023 թվականի հունիսի 13-ին ժամը 10:30-ին տեղի է ունեցել վարչական իրավախախտման վերաբերյալ գործի քննություն, որին Ա/Ձ Արտակ Ալեքսանյանը չի ներկայացել՝ չնայած պատշաճ ծանուցված լինելուն:

2. Պատճառաբանական մաս

Վարչական մարմինը ուսումնասիրելով և համադրելով գործում առկա փաստական հանգամանքները հաստատված է համարում, որ կատարվել է վարչական իրավախախտում, որով խախտվել են ՀՀ աշխատանքային օրենսգրքի 14-րդ և 85-րդ հոդվածների պահանջները, որի համար էլ պատասխանատու է Ա/Ձ Արտակ Ալեքսանյանը:

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և միջնորդություն չի ստացվել գործի քննությունը հետաձգելու մասին:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնեական պարտականությունների մեջ: Նշված հոդվածից հետևում է, որ Արտակ Ալեքսանյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես անհատ ձեռնարկատեր՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 169⁵-րդ հոդվածի 1-ին մասի համաձայն՝ առանց Հայաստանի Հանրապետության օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի աշխատող պահելն առաջացնում է տուգանքի նշանակում խախտում թույլ տված անձի նկատմամբ՝ սահմանված նվազագույն աշխատավարձի հիսնապատիկի չափով՝ խախտման յուրաքանչյուր դեպքի համար:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230-րդ, 279-րդ, 281-րդ, 283-րդ հոդվածներով, և 282-րդ հոդվածի 1-ին մասի 1-ին կետով՝

Որոշեցի

1. Ա/Ձ Արտակ Ալեքսանյանին (AP0562277, 2016-08-24, 027-ի կողմից)՝ որպես խախտում թույլ տված անձ «Վարչական իրավախախտումների վերաբերյալ» ՀՀ օրենսգրքի 169⁵-րդ հոդվածի 1-ին մասով ենթարկել վարչական տույժի՝ առանց Հայաստանի Հանրապետության օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի աշխատող պահելու համար՝ 50 000 (հիսուն հազար) ՀՀ դրամի չափով:

2. Սույն որոշումը ծանուցել Ա/Ձ Արտակ Ալեքսանյանին, հասցե՝ ՀՀ Արարատի մարզ, Մրգավան, Ե. Չարենցի փ. 45:

3. Սույն վարչական ակտն ուժի մեջ է մտնում մասնակիցներին իրազեկելու հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

13.06.2023

X

ԳՆԵԼ ՍԱՐԳՍՅԱՆ

Подписано: admin.qnumner.am

ԳՆԵԼ ՍԱՐԳՍՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունից հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա՝

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում՝

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)

